



Broj: 12-11-15-2733/21
Sarajevo, 26. 10. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu, putem otvorenog postupka nabavke (obavještenje o nabavci broj: 296-1-1-21-3-22/21 objavljeno na Portalu javnih nabavki 6. 8. 2021. godine i sažetak obavještenja o javnoj nabavci objavljen u „Službenom glasniku BiH“, broj 52/21 od 13. 8. 2021. godine), date u Zapisniku o pregledu i ocjeni ponuda broj: 12-11-15-2065-11/21 od 20. 10. 2021. godine, generalni revizor donosi

ODLUKU

o izboru najpovoljnijeg ponuđača za nabavku kompjuterske i uredske opreme za LOT 2

I

U postupku javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu, putem otvorenog postupka nabavke, Ugovorni organ donio je odluku o izboru najpovoljnije ponude ponuđača za LOT 2 – mrežni skener C-Servis d.o.o. Sarajevo.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14), Odlukom broj: 12-11-15-2065/21 od 4. 8. 2021. godine, pokrenuo postupak nabavke kompjuterske i uredske opreme putem otvorenog postupka nabavke za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Postupak nabavke je podijeljen na dva lota: LO1– Multimedijalni projektor sa dodatnom opremom i LOT 2 – Mrežni skener.

Obavještenje o javnoj nabavci, broj: 296-1-1-21-3-22/21 objavljeno je na Portalu javnih nabavki 6. 8. 2021. godine i Sažetak obavještenja o javnoj nabavci objavljen je u „Službenom glasniku BiH“, broj: 52/21 od 13. 8. 2021. godine.

Potencijalni ponuđač Advokatsko društvo „Eterović“ d.o.o. Sarajevo izjavio je žalbu na tendersku dokumentaciju, koja je protokolisana kod Ugovornog organa dana 7. 9. 2021. godine pod brojem : 12-11-15-2065-5/21.

Ugovorni organ je postupajući u skladu sa članom 100. stav (5) Zakona o javnim nabavkama, dostavio Uredu za razmatranje žalbi Bosne i Hercegovine izjašnjenje na navode žalbe i kompletnu dokumentaciju u vezi sa postupkom predmetne nabavke.

Ured za razmatranje žalbe je Zaključkom broj: JN-03-1-07-2550-7/21 od 14. 10. 2021. godine odbacio žalbu žalitelja zbog nedostatka aktivne legitimacije, čime su se stvorili uvjeti za nastavak postupka.

Komisija za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu imenovana Rješenjem generalnog revizora broj: 12-11-15-2065-1/21 od 4. 8. 2021. godine, provela je postupak javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 20. 10. 2021. godine, Analitički prikaz traženih i dostavljenih dokumenata - Kvalifikacija ponuđača broj: 12-11-15-2065-10/21 od 20. 10. 2021. godine i Zapisnik o pregledu i ocjeni ponuda, broj 12-11-15-2065-11/21 od 20. 10. 2021. godine u kojem je konstatovano:

Na protokol Ugovornog organa za LOT 2 – mrežni skener pravovremeno je pristigla jedna ponuda i to ponuđača - servis d.o.o. Sarajevo.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno je da ponuđač ispunjavaja sve navedene zahtjeve i da je kvalifikovan za izbor najpovoljnijeg ponuđača.

U predmetnom postupku javne nabavke Ugovorni organ predvidio je provođenje e-aukcije. Članom 3. stav. (3) Pravilnika o uslovima i načinu korištenja e-aukcije („Službeni glasnik BiH“, broj: 66/16), propisano je: „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

S obzirom da je u predmetnom postupku nabavke Ugovorni organ primio jednu prihvatljivu ponudu za LOT 2, ima se primijeniti citirana odredba Pravilnika, te se e-aukcija ne može zakazati.

Komisija je u Zapisniku o pregledu i ocjeni ponude predložila odgovornoj osobi Ugovornog organa da u skladu sa članom 69. stav (1) tačka (a) Zakona o javnim nabavkama ugovor za LOT 2 – Mrežni skener dodijeli ponuđaču C-Servis d.o.o. iz Sarajeva, jer je njegova ponuda jedina pristigla za navedeni lot, a koje je Komisija ocijenila kao prihvatljivu.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- C-Servis d.o.o. Sarajevo
- u spis predmeta nabavke
- a/a

